

O'zbekiston
Metama'lumot
Qishloq xo'jaligi ekinlari hosilini yig'ib olish

0. Asoslar

0.1 Qonuniy muhit

0.1.1 Statistik ma'lumotlarni yig'ish, qayta ishlash va tarqatish uchun javobgarlik

O'zbekiston Respublikasi Davlat statistika qo'mitasi

Davlat statistika qo'mitasi 2002 yil 12 dekabrda tasdiqlangan va 2012 yilda o'zgartirish va qo'shimchalar kiritilgan O'zbekiston Respublikasining "Davlat statistikasi to'g'risida"gi qonuniga muvofiq mustaqil ravishda o'z faoliyatini yuritadi, ushbu qonun bilan davlat statistikasini tashkil etish sohasidagi munosabatlarni tartibga soladi, davlat statistikasi organlarining vakolatlarini belgilaydi hamda yagona statistika axboroti tizimi yuritilishi uchun normativ asos yaratadi.

2017 yil sentyabrda O'zbekiston Respublikasi Davlat statistika qo'mitasining vakolatlari, funksiyalari va tarkibini aniqlab beradigan yangi "O'zbekiston Respublikasining Davlat statistika qo'mitasi to'g'risidagi Nizom"i tasdiqlandi, ushbu nizom Davlat statistika qo'mitasi Milliy statistika tizimini muvofiqlashtirish, monitoring va nazorat qilishga mas'ul va ma'lumotlarni yig'ish, qayta ishlash, tahlil qilish va tarqatish bo'yicha asosiy organ bo'lib hisoblanadi. Shu bilan birga, xalqaro standartlarga mos yagona statistik uslubiyat bilan ta'minlash vazifalarini bajaradi.

Davlat statistika qo'mitasi, statistika ishlarini olib boruvchi boshqa davlat statistika organlari singari davlat statistika hisobotlarini, ma'muriy hisobotlarni va davlat statistika kuzatuvlarini o'tkazish uchun zarur bo'lgan boshqa ma'lumotlarni, shuningdek hisobotlaridagi tushuntirishlarni o'z vakolatlari doirasida boshqa organlardan ta'lab qilib olish huquqiga ega.

Prezidentning 2017 yil 12 sentyabrdagi 5054-son topshirig'iga muvofiq, mamlakatdagi iqtisodiy va moliyaviy ma'lumotlar kengaytirilgan umumiy ma'lumotlar tarqatish tizimi (k-UMTT) doirasiga to'g'ri keladigan va muvofiqlashgan bo'lishi kerak.

0.1.2 Ma'lumot ishlab chiqaruvchi tashkilotlar o'rtasida ma'lumotlar almashinuvi va muvofiqlartirish

O'zbekiston Respublikasi Davlat statistika qo'mitasi

“Davlat statistikasi to'g'risidagi” qonunning 9-moddasiga asosan Davlat statistikasi organlari Davlat statistikasi ishlari dasturini bajarishda davlat statistikasi organlariga ko'maklashishi shart bo'lgan boshqa davlat organlari hamda yuridik shaxslar bilan statistika ishlarini hamkorlikda bajaradi. Davlat statistikasi organlari o'zlarining vakolat doirasiga kiruvchi ayrim ishlarning boshqa davlat organlari hamda yuridik shaxslar tomonidan bajarilishiga qonun hujjatlarida belgilangan tartibda yo'l qo'yadi. Boshqa davlat organlari hamda yuridik shaxslar Davlat statistika ishlari dasturiga muvofiq davlat statistika kuzatuvlarini, shuningdek davlat statistikasi vakolatli organi bilan kelishilgan shakllarda idoraviy statistika kuzatuvlarini o'tkazadi. Idoraviy statistika kuzatuvlarining ma'lumotlari davlat statistikasi vakolatli organiga uning so'roviga binoan taqdim etiladi.

Bundan tashqari, statistika kengashi davlat statistikasi vakolatli organi huzuridagi davlat statistikasining rivojlantirilishi, faoliyat ko'rsatishi va muvofiqlashtirilishi muammolari bo'yicha kollegial maslahat organi hisoblanadi. Statistika kengashi davlat statistikasining ayrim masalalarini ko'rib chiqish uchun ekspert komissiyalari tayinlashi mumkin. Statistika kengashi va ekspert komissiyalarining yig'ilishlariga ekspertlar taklif etilishi, yig'ilishlarda vazirliklar, davlat qo'mitalari va idoralar vakillarining davlat statistikasi masalalari bo'yicha axborotlari eshutilishi mumkin. Statistika kengashining tarkibi O'zbekiston Respublikasi Prezidenti tomonidan tasdiqlanadi.

[0.1.3 Alohida muxbirlarning ma'lumotlari maxfiyligi](#)

O'zbekiston Respublikasi Davlat statistika qo'mitasi

“Davlat statistikasi to'g'risidagi” qonunning 7-moddasiga asosan Davlat statistikasi organlari yakka tartibdagi statistika ma'lumotlarining maxfiyligini, davlat sirlari va yuridik shaxslarning tijorat sirlariga rioya etilishini, jismoniy shaxslar to'g'risidagi ma'lumotlarning egasi mavhumlashtirilishini ta'minlashga majburlar. Bundan tashqari 2017 yil sentyabrda “O'zbekiston Respublikasi Davlat statistika qo'mitasi to'g'risidagi Nizom”ga asosan, (13-band, §15) Davlat statistika qo'mitasi maxfiylik masalalarini hal qilish bo'yicha xavfsizlik choralari ko'radi, shu jumladan bank sirlarini ham (13-band, §11). Nihoyat, “Davlat statistikasi to'g'risidagi” qonunning 7-moddasiga asosan davlat organlari va mahalliy o'zini o'zi boshqarish organlarining davlat statistika sohasidagi faoliyatiga aralashuviga yo'l qo'yilmaydi.

Davlat statistika qo'mitasi xodimlari axloq kodeksiga, shu jumladan maxfiylik qasamiga rioya qilishlari, o'zlarining vazifalarini bajarishda ularga taqdim etilgan har qanday ma'lumotlarni oshkor qilmasliklari kerak.

Ularni lavozimga tayinlash paytida majburiyatlari haqida ma'lumot beriladi. Davlat statistika qo'mitasining har bir xodimi bunday ma'lumotlarni oshkor qilmaslik majburiyatini o'z ichiga olgan shartnomaga qo'l qo'yishi shart.

[0.1.4 Statistik hisobotlarni ta'minlash](#)

O'zbekiston Respublikasi Davlat statistika qo'mitasi

Davlat statistika qo'mitasi sifat menejmenti va metama'lumotlar boshqaruvini ta'minlaydigan statistika biznes-jarayonlarini ifodalovchi Birlashgan Miillatlar Tashkilotining Yevropa Iqtisodiy Komissiyasining (BMT EIK) Statistik biznes jarayonlar umumiy modelini (SBJUM) yuritadi.

Respondentlarga ma'lumot yetkazib berish maqsadida Davlat statistika organlari o'z vakolatlari doirasida moliya, bojxona, soliq organlari, banklar va boshqa idora va xizmatlar, yuridik shaxslar va ularning vakolatxonolari filiallaridan, jismoniy shaxslardan, shu jumladan yakka tartibdagi tadbirkorlardan Davlat statistika kuzatuvlarini yuritish uchun zarur bo'lgan ma'lumotlarni so'rashga va olishga, shuningdek, statistik maqsadlarda foydalaniladigan hisobotlarga tushuntirishlar olish huquqiga ega.

Bundan tashqari, davlat statistikasi korxonalar va muassasalar statistik ma'lumotlarining ishonchliligini tekshiradi, olingan statistik ma'lumotlarni to'liqligi ob'ektivligini ekspertizadan o'tkazadi va buzilganligi aniqlangan hollarda ularni to'g'rilash uchun zarur ko'rsatmalar beradi va statistika ma'lumotlariga tegishli tuzatishlar kiritadi.

0.2 Resurslar

0.2.1 Kadrlar, moddiy-texnik, elektron-hisoblash va moliyaviy resurslar (tavsiya etiladigan rukn)

Markaziy apparatda qishloq xo'jaligi ekinlarining yig'ilgan yalpi hosili to'g'risidagi axborotlarni shakllantirish ishlari 4 nafar, hududiy statistika boshqarmalarida – 2 nafar, tuman, shahar statistika bo'limlarida 2 nafar xodim tomonidan amalga oshiriladi.

Umuman qishloq xo'jaligi ekinlarining yig'ilgan yalpi hosili to'g'risidagi ma'lumotlarni yig'ish uchun qo'yilgan maqsadlarga erishish uchun xodimlar soni yetarli va xodimlar mos ko'nikmalarni saqlash va rivojlantirish uchun qo'yilgan vazifalarni bajarishga layoqatli. Barcha xodimlar iqtisodiyot va qishloq xo'jaligi sohasida oliy ma'lumotga ega.

Ko'nikmalarni qo'llab quvvatlash va rivojlantirish muntazam ravishda mutaxassislar uchun Kadrlarni qayta tayyorlash va statistik tadqiqotlar instituti taklif etiladigan kurslarda xodimlarni o'qitishga asoslangan.

Boshqarma yetarli miqdordagi kompyuterlarga ega bo'lib, har bir xodim alohida o'zlariga biriktirib berilgan, lokal tarmoqqa ulangan, muntazam ravishda dasturiy ta'minot yangilanib turadigan kompyuterlarda ishlaydi.

Berilayotgan moliyaviy manbalar qishloq xo'jaligi va ekologiya statistikasi bo'yicha davlat statistika ishlari dasturida nazarda tutilgan ishlarni bajarish uchun yetarli.

1. Yaxlitlik

1.1 Kasbiy mahorat

1.1.1 Statistikaning xolisligi

O'zbekiston Respublikasi Davlat statistika qo'mitasi

“Davlat statistikasi to'g'risidagi” qonunning 7-moddasiga asosan, Davlat statistikasining asosiy prinsiplari aniqlik, xolislik va beg'arazlikdir. Bundan tashqari, “O'zbekiston Respublikasi Davlat statistika qo'mitasi to'g'risidagi Nizomi”da (13-modda, §6) Davlat statistika qo'mitasining prinsiplari beg'arazlikni ta'minlashi belgilangan.

1.1.2 Manbalar, uslublar va tarqatish usullarini tanlash

O'zbekiston Respublikasi Davlat statistika qo'mitasi

“Davlat statistikasi to'g'risidagi” qonunning 14-moddasiga muvofiq statistika ma'lumotlaridan davlat manfaatlarini ko'zlab va ilmiy maqsadlarda, jamoatchilikni xabardor etish, bunday ma'lumotlardan foydalanuvchilarning huquqlari, erkinliklari va qonuniy manfaatlarini ta'minlash uchun foydalaniladi. Davlat statistikasi organlari yuridik shaxslardan, ularning vakolatxonalari va filiallaridan, jismoniy shaxslar, shu jumladan yakka tartibdagi tadbirkorlardan olgan birlamchi statistika ma'lumotlari faqat jamlanma statistika ko'rsatkichlarini tayyorlashda statistika maqsadlarida ishlatiladi hamda jamlanma holatda va egasi mavhumlashtirilgan tarzda e'lon qilinadi. Tarkibida davlat siri va tijorat sirlari bo'lgan statistika ma'lumotlari qonun hujjatlarida belgilangan tartibda taqdim etiladi.

1.1.3 Statistik ma'lumotlarni noto'g'ri talqin qilish yoki undan noto'g'ri foydalanish bo'yicha sharh

O'zbekiston Respublikasi Davlat statistika qo'mitasi

Davlat statistika qo'mitasi statistik ma'lumotlarni noto'g'ri talqin qilish va statistik ma'lumotlardan noto'g'ri foydalanilganda o'z izohini berishi mumkin.

1.2 Shaffoflik

1.2.1 Statistik ma'lumotlarni yig'ish, qayta ishlash va tarqatish nizomi va tartibini oshkor qilish

O'zbekiston Respublikasi Davlat statistika qo'mitasi

“Davlat statistikasi to'g'risidagi” qonunning 4-moddasiga binoan, Davlat statistikasining asosiy prinsiplari qulaylik, ochiq-oydinlik va oshkoralikdir. Statistik ma'lumotlarni yig'ish, qayta ishlash va tarqatish bo'yicha shartlar O'zbekiston Respublikasining statistikaga oid qonun va qarorlarda keltirilgan. Ushbu qonunchilik choralari veb-saytga joylashtirilgan va jamoatchilikni ular bilan tanishish imkoniyati mavjud. Shunday qilib, “Davlat statistikasi to'g'risidagi” qonun (2002 yil) va Qo'mitaning 368-sonli qarori veb-saytga (www.stat.uz) joylashtirilgan. Qonun Oliy Majlis byulletenida ham chop etiladi va normativ-huquqiy xujjatlar bazasiga (norma), shuningdek Adliya vazirligining www.Lex.uz manzilida joylashgan ma'lumotlar bazasida ham mavjud.

1.2.2 Hukumatning statistik ma'lumotlarga e'lon qilinishidan oldin ko'rishning ichki imkoniyati

O'zbekiston Respublikasi Davlat statistika qo'mitasi

Hukumat Davlat statistika qo'mitasining ma'lumotlarini e'lon qilinish vaqtidan oldin ko'rish imkoniyatiga ega emas. Statistik ma'lumotlarni tarqatishda Davlat statistika organlari mustaqildir. Davlat organlarining aralashuviga yo'l qo'yilmaydi (“Davlat statistikasi to'g'risidagi” qonunning 5-moddasi). Faqat qo'mita Raisi statistik ma'lumotlar e'lon qilinishidan oldin ularni ko'ra oladi.

1.2.3 Statistik ma'lumotlarni belgilash

O'zbekiston Respublikasi Davlat statistika qo'mitasi

Jamiyatga e'lon qilinayotgan ma'lumotlar ma'lumot ishlab chiqaruvchi agentlik

tomonidan aniq belgilanadi (logotip va izohlar).

1.2.4 Uslubiyatlar, dastlabki ma'lumotlar va statistik usullardagi asosiy o'zgarishlar haqida avvaldan xabar berish.

O'zbekiston Respublikasi Davlat statistika qo'mitasi

Yangi uslubiyatga o'tishdan, mavjud uslubiyatlar va usullarga jiddiy o'zgartirishlar kiritishdan oldin Davlat statistika qo'mitasi jamaotchilikni oldindan ogohlantiradi. Davlat statistika qo'mitasi o'z veb-saytida foydalanuvchilarni qanday o'zgarishlar kutayotganini tushuntiruvchi tegishli uslubiy ko'rsatmalarni joylashtiradi.

1.3. Axloq me'yorlari

1.3.1 Xodimlarning axloqi bo'yicha ko'rmatma

O'zbekiston Respublikasi Davlat statistika qo'mitasi

Davlat statistika qo'mitasi xodimlari axloq kodeksiga, shu jumladan maxfiylik qasamiga rioya qilishlari, o'zlarining vazifalarini bajarishda ularga taqdim etilgan har qanday ma'lumotlarni oshkor qilmasligi kerak. Ular lavozimiga tayinlanayotganda majburiyatlari haqida ma'lumot beriladi. Davlat statistika qo'mitasi xodimi uni bunday ma'lumotlarni oshkor qilmaslik majburiyatini olgan shartnoma tuzishi shart.

2. Uslubiyat

2.1 Konsepsiya va ta'riflar

2.1.1 Konsepsiya va ta'riflar (talab etiladigan rukn)

Mazkur axborotlar choraklik va yillik asosda hisobga olish maqsadida shakllantiriladi.

Qishloq xo'jaligi ekinlari yalpi hosili to'g'risida ma'lumotlarni shakllantirish va aniqlash uchun 1-FX shakli (yilda 2 marta va yillik) «Fermer xo'jaligi faoliyati to'g'risida hisobot», 1-DX shakli (yilda 2 marta) «Dehqon (shaxsiy yordamchi) xo'jaliklari faoliyati to'g'risida hisobot», 1-QX shakli (choraklik va yillik) «Qishloq xo'jaligi faoliyati to'g'risida hisobot», 1-KB shakliga ilova (QX) (yillik) «Mikrofirma va kichik korxonaning qishloq xo'jaligi faoliyati to'g'risida hisobot» davlat statistika hisobotlari statistik axborotlaridan foydalaniladi hamda ushbu ko'rsatkich quyida keltirilgan hisobotlarda sentnerda ko'rsatiladi va tonnaga o'giriladi.

Qishloq xo'jaligi ekinlari yalpi hosilini yig'ib olish - asosiy maydonga ekilgan ekinlar, takroriy va oraliq ekinlari, yosh mevali bog'lar, boshqa ko'p yillik daraxtzorlar qator oralariga ekilgan ekinlar yalpi hosilini o'z ichiga qamrab oladi.

2.2 Statistik qamrov

2.2.1 Statistik qamrov (talab etiladigan rukn)

2.2.1.1 Ma'lumotlarning statistik qamrovi

Ma'lumotlarning geografik qamrovi Qoraqalpog'iston Respublikasi, 12 ta viloyat va Toshkent shahrini o'z ichiga oladi.

Xo'jaliklar qamrovi: fermer, dehqon (shaxsiy yordamchi) xo'jaliklari, yirik, kichik korxonalar va mikrofirmalar.

Qishloq xo'jaligi ekinlari turlari bo'yicha qamrov: qishloq xo'jaligi bo'yicha davlat statistika hisobotlarida keltirilgan.

2.2.1.2 Statistika qamrovdan istisnolar

Istisno yo'q

2.2.1.3 Hisobga olinmagan faoliyat

Yashirin iqtisodiyot hisobga olinmaydi.

2.3 Tasniflash/sectorlar bo'yicha bo'lish

2.3.1 Tasniflash/sectorlar bo'yicha bo'lish (ma'lumotlar rukniga aloqador sifatidagi talab etiladigan rukn.)

2.4 Hisoblash asosi

2.4.1 Baholash (ma'lumotlar rukniga aloqador sifatidagi talab etiladigan rukn.)

Qishloq xo'jaligi ekinlari yalpi hosili yig'ib olish to'g'risidagi ma'lumotlar xo'jalik yurituvchi sub'ektlar tomonidan topshiriladigan davlat statistika hisobotlariga va tanlanma kuzatuv ma'lumotlariga asosan shakllantiriladi.

2.4.2 Hisoblash asoslari (ma'lumotlar rukniga aloqador sifatidagi talab etiladigan rukn.)

Qishloq xo'jaligi ekinlari yalpi hosilini yig'ib olish to'g'risidagi ma'lumotlar davlat statistika organlariga yuridik shaxslar, mahalla fuqarolar yig'inlari tomonidan topshiriladigan statistik kuzatuvlar ma'lumotlari asosida shakllantiriladi.

2.4.3 Yalpi/sof ko'rsatkichlarni hisoblash tartibi (tavsiya etilgan rukn)

3. Aniqlilik va ishonchlilik

3.1 Boshlang'ich ma'lumotlar

3.1.1 Boshlang'ich ma'lumotlarni to'plash dasturi (talab etiladigan rukn)

Qishloq xo'jaligi ekinlari yalpi hosilini yig'ib olish to'g'risidagi ma'lumotlarning shakllantirilishi uchun axborotlar manbai qishloq xo'jaligi bo'yicha mos birlamchi davlat statistika hisobotlari ma'lumotlari hisoblanadi.

- Qishloq xo'jaligi ekinlari yalpi hosilini yig'ib olish to'g'risidagi ma'lumotlar fermer, dehqon (shaxsiy yordamchi) xo'jaliklari, yirik, kichik korxonalar va mikrofirma uchun davlat statistika hisobotlari asosida har chorakda va yilda bir marta shakllantiriladi.

3.1.2 Ta'rif, statistik qamrov, tasniflagich, baholash va boshlang'ich ma'lumotlar hisobining aniq davri (tavsiya etiladigan rukn)

Qishloq xo'jaligi ekinlari yalpi hosilini yig'ib olish to'g'risidagi statistik axborotlar fermer xo'jaliklari, mahalla fuqarolar yig'inlari, yirik, kichik korxonalar va mikrofirmalar tomonidan davlat statistikasi organlariga taqdim etiladi.

3.1.3 Boshlang'ich ma'lumotlarning tayyorlanish muddatlari (tavsiya etilgan rukn)

Axborotlarni tayyorlash qat'iy ravishda Vazirlar Mahkamasi tomonidan tasdiqlanadigan davlat statistika ishlari dasturida belgilangan muddatlarda amalga oshiriladi.

Choraklik ma'lumotlar 20 kundan, yillik ma'lumotlar 3 oydan ko'p bo'lmagan hisobot davridan keyin qayta ishlanadi.

3.2 Birlamchi ma'lumotlarni baholash

3.2.1 Birlamchi ma'lumotlarni baholash (tavsiya etiladigan rukn)

Sub'ektlardan olingan ma'lumotlar nafaqat hududiy statistika boshqarmalari darajasida, balki davlat statistika qo'mitasida muqarrar nazorat va tekshiruvlardan o'tadi. Axborotlarda xatoliklar aniqlangan hollarda albatta sub'ektlar bilan aniqlik kiritiladi.

3.3 Statistik usullar

3.3.1 Birlamchi ma'lumotlar bilan ishlashda statistik usullar (ma'lumotlar rukniga aloqador rukn sifatidagi talab etiladigan rukn.)

3.3.2 Boshqa statistik jarayonlar (ma'lumotlar rukniga aloqador rukn sifatidagi talab etiladigan rukn.)

Ma'lumotlarga tuzatish kiritish va qayta ishlash asoslangan usullar yordamida amalga oshiriladi. Yakuniy ma'lumotlarni shakllantirishdan oldin dastlabki ma'lumotlarga tuzatishlar kiritiladi.

3.4 Ma'lumotlarni taqqoslash

3.4.1 Oraliq natijalarni taqqoslash (tavsiya etiladigan rukn)

Qishloq xo'jaligi ekinlari yalpi hosilini yig'ib olish to'g'risidagi ma'lumotlar choraklik asosda oraliq ma'lumotlar bilan solishtiriladi.

3.4.2 Oraliq ma'lumotlarni baholash (tavsiya etiladigan rukn)

3.4.3 Yakuniy statistik ma'lumotlardagi farqlar va boshqa muammolarni baholash. (tavsiya etiladigan rukn)

Chiquvchi statistik ma'lumotlardagi farqlar o'rganiladi, hisobot davridagi ma'lumotlarni o'tgan yil natijalari bilan solishtiriladi, jiddiy farqlar sabablari aniqlanadi va tahlil qilinadi.

3.5 Ma'lumotlarni qayta ko'rib chiqish tahlili

3.5.1 Ma'lumotlarni qayta ko'rib chiqishni o'rganish va tahlil qilish (tavsiya etiladigan rukn)

Choraklik va yillik hisobot ma'lumotlari qayta ishlanadi, tahlil qilinadi, umumlashtiriladi, zarur hollarda sub'ektlar bilan aniqlik kiritiladi va choraklik ma'lumotlar 20 kundan hamda yillik ma'lumotlar - 3 oydan ko'p bo'lmagan hisobot davridan keyin rasmiy ravishda chop etiladi.

4. Amaliy ahamiyati

4.1 Davriylik va muddatlilik

4.1.1 Davriylik (kerakli rukn)

Qishloq xo'jaligi ekinlari yalpi hosilini yig'ib olish to'g'risidagi ma'lumotlar har chorakda va yilda bir marta shakllantiriladi.

4.1.2 Muddatlilik (kerakli rukn)

Qishloq xo'jaligi ekinlari yalpi hosilini yig'ib olish to'g'risidagi choraklik ma'lumotlar davlat statistika ishlari dasturida belgilangan muddatlarda, hisobot davridan keyingi 20 kundan ko'p bo'lmagan davrda hamda yillik ma'lumotlar - hisobot davridan keyingi 3 oydan kechiktirmasdan chop etiladi.

4.2 Taqqoslash

4.2.1 Ichki taqqoslash (ma'lumotlar rukniga aloqador kerakli rukn)

Statistik ma'lumotlar ichki kelishilishi, vaqt bilan taqqoslanilishi bilan tavsiflanadi.

4.2.2 Vaqt bo'yicha taqqoslanishi (tavsiya etilgan rukn)

Yetarli davrlar uchun ma'lumotlarning vaqt bilan qiyosiy davriy qatorlari mavjud. Qishloq xo'jaligi ekinlari yalpi hosilini yig'ib olish to'g'risidagi dinamikalar 1990 yildan boshlab shakllantiriladi.

4.2.3 Sektor yoki sohalar o'rtasida taqqoslash (tavsiya etilgan rukn)

4.3 Ma'lumotlarni qayta ko'rib chiqish

4.3.1 Ma'lumotlarni qayta ko'rib chiqish grafigi (kerakli rukn)

Qishloq xo'jaligi ekinlari yalpi hosilini yig'ib olish to'g'risidagi statistik axborotlarni yig'ish, qayta ishlash, to'plash, saqlash, umumlashtirish, tahlil qilish va chop etish davlat statistika ishlari dasturida belgilangan muddatlarda amalga oshiriladi.

4.3.2 Dastlabki yoki qayta ko'rib chiqiladigan ma'lumotlarni belgilash (kerakli rukn)

Ma'lumotlarni tarqatish vaqtida foydalanuvchilarga ma'lumotlarning dastlabki ekanligi ma'lum qilinadi.

Dastlabki ma'lumotlar nashr etilayotganda tegishli izohlar yoziladi.

4.3.3 Qayta ko'rib chiqilgan ma'lumotlarni o'rganish va tahlil qilish natijalarini e'lon qilish (tavsiya etilayotgan rukn)

Ko'rilayotgan ma'lumotlarning o'tgan davrlar ko'rsatkichlari bilan taqqoslanganligi tahlil qilinadi, bu esa ma'lumotlarning ishonchliligini baholash imkonini beradi.

Qishloq xo'jaligi ekinlari yalpi hosilini yig'ib olish to'g'risidagi dastlabki ma'lumotlar statistik jadval, yakuniy ma'lumotlar statistik byulleten, jadval va to'plamlar ko'rinishida tarqatiladi.

5. Ma'lumotlarni olishning qulayligi

5.1 Ma'lumotlar

5.1.1 Statistik ma'lumotlarni tarqatish shakllari (kerakli rukn)

Qishloq xo'jaligi ekinlari yalpi hosilini yig'ib olish to'g'risidagi dastlabki ma'lumotlar statistik jadval, yakuniy ma'lumotlar statistik byulleten, press-reviz ko'rinishida foydalanuvchilarga tarqatiladi, hamda veb-saytga qo'yiladi.

5.1.2 Ma'lumotlarni e'lon qilishning vositalari va shakli (kerakli rukn)

5.1.2.1 Bosma shaklda – Yangi nashr

Statistik ma'lumotlar chop etilgan shaklda O'zbekiston Respublikasi Davlat statistika qo'mitasining nashrlari orqali tarqatiladi:

- «O'zbekiston raqamlarda»
- «O'zbekiston Respublikasi yillik statistik to'plami»
- «O'zbekiston qishloq xo'jaligi»
- «Hududiy statistik to'plami»

Bundan tashqari, statistik ma'lumotlar foydalanuvchilarning so'roviga ko'ra taqdim etiladi.

5.1.2.2 Bosma shaklda – Haftalik byulletenlar

Mavjud emas

5.1.2.3 Bosma shaklda – Oylik byulletenlar

5.1.2.4 Bosma shaklda – Choraklik byulletenlar

Faqat statistik jadval ko'rinishida mavjud.

5.1.2.5 Bosma shaklda - Boshqalar

Jadvallar, foydalanuvchilarning so'rovlariga asosan

5.1.2.6 Elektron shaklda - Onlayn byulleten yoki boshqalar

Qishloq xo'jaligi ekinlari yalpi hosilini yig'ib olish to'g'risidagi ma'lumotlar O'zbekiston Respublikasi Prezidentining 2019 yil 9 apreldagi PQ-4273-son qaroriga muvofiq O'zbekiston Respublikasi ochiq axborotlar portaliga joylashtirilgan.

5.1.2.7 Elektron shaklda - Boshqalar

Ma'lumotlar har chorakda elektron statistik jadvallar ko'rinishida, har yili byulleten va to'plamlar ko'rinishida davlat boshqaruvi organlari va boshqa foydalanuvchilarga taqdim etiladi, shuningdek veb-saytda press-reliz ko'rinishida joylashtiriladi.

5.1.5 So'rov asosida ma'lumotlarni tarqatish (tavsiya etilgan rukn)

O'zbekiston Respublikasi «Davlat statistikasi to'g'risida»gi Qonunga, «O'zbekiston Respublikasi Davlat statistika qo'mitasi to'g'risida»gi Nizomga, statistik ma'lumotlarni tayyorlash va taqdim etish ishlarini tashkil etish Reglamentiga va boshqa me'yoriy hujjatlarga statistik ma'lumotlar foydalanuvchilarning so'roviga asosan belgilangan tartibda taqdim etiladi.

Statistik axborotlarni tarqatish yuridik va jismoniy shaxslarning yozma murojaatlariga asosan taqdim etish yo'li bilan chop etilgan yoki elektron jadvallar, statistik to'plamlar, byulletenlar, ekspress-axborotlar ko'rinishida, hamda tomonlarning axborot almashinuv to'g'risidagi kelishuviga asosan taqdim etiladi.

5.2 Metama'lumotlar

5.2.1 Konsepsiya, statistik qamrov, tasniflash, hisob asosi, ma'lumotlar manbasi va statistik usullar haqida hujjatlarni tarqatish (kerakli rukn)

Bitimlar, statistik qamrov, tasniflar, hisoblar asoslari, ma'lumotlar manbai va statistik uslublar to'g'risidagi ma'lumotlar statistik to'plamlarda asosiy ko'rsatkichlarga uslubiy tushuntirish ko'rinishida aks ettiriladi.

9. Kelgusidagi rejalar

9.1 Oxirgi

9.1.1 Takomillashtirish rejasi – Oxirgi takomillashtirishlar

Qishloq xo'jaligi bo'yicha davlat statistika kuzatuvlari shakllari takomillashtirildi.

9.2 Umumiy

9.2.1 Takomillashtirish rejasi – Qisqa muddatli

Qishloq xo'jaligi bo'yicha davlat statistika kuzatuvlari shakllarini takomillashtirish.

9.2.2 Takomillashtirish rejasi – O'rta muddatli

Qishloq xo'jaligi ekinlari yalpi hosilini yig'ib olish bo'yicha axborotlarni tayyorlash va O'zbekiston Respublikasi ochiq ma'lumotlar portaliga joylashtirish.

9.3 Moliyaviy

9.3.1 Takomillashtirish rejasi – texnik/moliyaviy ko'makka talab – Qisqa muddatli

Moliyalashtirish davlat statistika ishlari dasturi doirasida ta'minlangan.

9.3.2 Takomillashtirish rejasi - texnik/moliyaviy ko'makka talab – O'rta muddatli

Moliyalashtirish davlat statistika ishlari dasturi doirasida ta'minlangan.

Aloqa bog'lash uchun shaxs (shaxslar):

<u>Aloqa bog'lash uchun shaxs 1</u>			
<i>F.I.O.:</i>	G'ulomov Shovkat		
<i>Lavozim:</i>	Qishloq xo'jaligi va ekologiya statistikasi boshqarmasi boshlig'i		
<i>Bo'linma:</i>	Qishloq xo'jaligi va ekologiya		
<i>Bo'lim:</i>			
<i>Departament:</i>	Qishloq xo'jaligi va ekologiya statistikasi boshqarmasi		
<i>Idora:</i>	O'zbekiston Respublikasi Davlat statistika qo'mitasi		
<i>Manzil (1 satr):</i>			
<i>Manzil (2 satr):</i>			
<i>Shahar/region:</i>	Toshkent shahri		
<i>Mamlakat:</i>	O'zbekiston Respublikasi		
<i>Pochta indeksi:</i>	100170		
<i>Telefon: mamlkat kodi/shahar kodi/raqam</i>	998	71	230-80-51
<i>Faks: mamlkat kodi/shahar kodi/raqam</i>	998	71	230-81-12
<i>Elektron manzil:</i>	selhoz@stat.uz		
<u>Aloqa bog'lash uchun shaxs 2</u>			
<i>F.I.O.:</i>	A'zamov Azim		
<i>Lavozim:</i>	Qishloq xo'jaligi va ekologiya statistikasi boshqarmasi boshlig'ining o'rinbosari		
<i>Bo'linma:</i>	Qishloq xo'jaligi va ekologiya		
<i>Bo'lim:</i>	Qishloq xo'jaligida tarkibiy o'zgarishlar bo'yicha yig'ma tahliliy axborotlarni shakllantirish bo'limi		
<i>Departament:</i>	Qishloq xo'jaligi va ekologiya statistikasi boshqarmasi		
<i>Idora:</i>	O'zbekiston Respublikasi Davlat statistika qo'mitasi		
<i>Manzil (1 satr):</i>			
<i>Manzil (2 satr):</i>			
<i>Shahar/region:</i>	Toshkent shahri		
<i>Mamlakat:</i>	O'zbekiston Respublikasi		
<i>Pochta indeksi:</i>	100170		
<i>Telefon: mamlkat kodi/shahar kodi/raqam</i>	998	71	230-80-53
<i>Faks: mamlkat kodi/shahar kodi/raqam</i>	998	71	230-80-54
<i>Elektron manzil:</i>	selhoz@stat.uz		